



BONAIRE PLASTIC FREE!

Apresiabel empresario,

Den 2022 nos lo usa ménos plèstik. Ta mihó pa nos medio ambiente i nos naturalesa pa remplasá plèstik desechabel pa produktonan duradero. No ta permití pa bende ni regalá **tasnan di plèstik, richi, palito di plèstik, bestèk i baki di kuminda di foam (styrofoam)** na Boneiru. Konseho Insular a tuma e desishon aki dia 19 di òktober 2021.

Kiko esaki ta nifiká pa bo?

E prohibishon aki ta konta pa tur hende na Boneiru ku kier bende òf regalá plèstik ku ta destiná pa usa un biaha so. For di 1 di yüni 2022 bo no por bende ni regalá tasnan di (bio) plèstik, richi, palito di (bio) plèstik i bestèk. For di 1 di ougùstùs 2022 tambe ta keda prohibí pa bende òf regalá baki di kuminda di foam (styrofoam). E prohibishon ta solamente pa bakinan di kuminda ku ta trahá di foam. Te ku e tempu ei, ta posibel pa kaba e plèstik desechabel ku bo tin den stòk. Despues bo por bende òf regalá produktonan di plèstik, solamente si esakinan ta trahá di material duradero.

Pa kiko e prohibishon aki?

Plèstik ta trahá di material sintétiko i esaki no ta un material natural. E ta ser trahá kímikamente. Plèstik no ta bon pa naturalesa, nos salú i ekonomia. Sushi di plèstik ku ta ser tirá afó na un forma robes, ta yega hopi biaha den naturalesa òf den laman. Laman i playanan sushi ta malu pa peskeria, turismo i koral rondó di islanan BES. E no ta un nèchi bista i e ta malu pa medio ambiente i pa nos salú.

Plèstik ta ser definí komo tur material sintétiko ku bo no ta haña den naturalesa. P'esei e bakinan di kuminda di foam (styrofoam) tambe ta kai bou di e prohibishon aki. Bio-plèstik tambe ta ser prohibí. Esaki tambe hopi biaha ta resultá den naturalesa, pero e úniko forma pa kibr'é ta hasiendo esaki den un manera industrial.

Na Boneiru nos no por reusá plèstik desechabel bon. Ainda Boneiru no tin e mashinnan adekuá pa traha produktonan nobo di plèstik bieu. Pa e motibu aki Konseho Insular i Entidat Públiko di Boneiru a skohe pa prohibí totalmente sierto produktonan di material sintétiko.



BONAIRE PLASTIC FREE!

Reunion informativo

Dia 7 di febrüari nos ta organisá un enkuentro informativo. Nos lo papia tokante e prohibishon di plèstik deseabel i tambe nos lo kontestá bo preguntanan. Bo lo kier ta presente na e enkuentro informativo? **Registrá promé ku dia 30 di yanüari** via plasticvrij@bonairegov.com i skibi e siguiente informashon den e mail:

1. Bo nòmber
2. Nòmber di kompania
3. Number di telefòn
4. Preferensia di parti di dia 10:00 AM òf 05:30 PM
5. Idioma di preferensia: Ingles i Hulandes òf Papiamentu i Spañó

Mas informashon

Pa mas informashon bishitá nos wèpsait www.bonairegov.com òf mail bo pregunta na plasticvrij@bonairegov.com.

Saludo kordial,

DIREKTOR ESPASIO I DESAROYO

Ing. Marlon Martina, MBA